

সারাদেশ

মালিক-শ্রমিক বিরোধে রাজশাহী থেকে বাস চলাচল বন্ধ



প্রতিবেদক: ঢাকাপ্রোব ডেস্ক

প্রকাশের তারিখ: মঙ্গলবার, ১৪ জুলাই ২০২৬, ০১:৩৭ PM



রাজশাহী থেকে ঢাকাসহ দেশের সব রুটে অনির্দিষ্টকালের জন্য বাস চলাচল বন্ধ ঘোষণা করেছেন পরিবহন শ্রমিকরা। রাজশাহী মোটর শ্রমিক ইউনিয়নের নির্বাচন পরিচালনা কমিটি গঠনকে কেন্দ্র করে মালিক-শ্রমিক বিরোধের জেরে সোমবার (১৩ জুলাই) সন্ধ্যা থেকে এ কর্মবিরতি শুরু হয়।

হঠাৎ বাস চলাচল বন্ধ হয়ে যাওয়ায় দূরপাল্লার যাত্রীরা চরম দুর্ভোগে পড়েছেন। অনেক যাত্রী ঘণ্টার পর ঘণ্টা টার্মিনালে অপেক্ষা করেও গন্তব্যে যেতে পারেননি।

জানা গেছে, সোমবার বিকেলে জেলা প্রশাসকের সম্মেলন কক্ষে জেলা প্রশাসক কাজী শহিদুল ইসলামের সভাপতিত্বে রাজশাহী মোটর শ্রমিক ইউনিয়নের নির্বাচন পরিচালনা কমিটি গঠন নিয়ে একটি বৈঠক অনুষ্ঠিত হয়। বৈঠকে পাঁচ সদস্যের একটি নির্বাচন পরিচালনা কমিটি গঠনের প্রস্তাব দেওয়া হয়।

প্রস্তাব অনুযায়ী, জেলা প্রশাসকের প্রতিনিধি হিসেবে একজন অতিরিক্ত জেলা প্রশাসককে আহ্বায়ক করে কমিটিতে শ্রম অধিদপ্তর, রাজশাহী মহানগর পুলিশ, শ্রমিক ফেডারেশন এবং বাস মালিক সমিতির একজন করে প্রতিনিধি রাখার কথা ছিল।

তবে কমিটিতে বাস মালিক সমিতির প্রতিনিধি অন্তর্ভুক্তির বিষয়ে আপত্তি জানান জেলা শ্রমিকদলের সাবেক সাংগঠনিক সম্পাদক এরশাদ আলী পল্টু। এ নিয়ে বাস মালিক সমিতির সাধারণ সম্পাদক নজরুল ইসলাম হেলালের সঙ্গে তার তর্ক-বিতর্ক শুরু হয়। একপর্যায়ে বৈঠকে উত্তেজনা সৃষ্টি হলে কোনো সিদ্ধান্ত ছাড়াই সভা শেষ হয়ে যায়।

পরে শ্রমিকরা বাস টার্মিনালে ফিরে রাজশাহী থেকে দেশের সব রুটে বাস চলাচল বন্ধের ঘোষণা দেন। এর পর থেকেই কোনো দূরপাল্লার বাস টার্মিনাল ছেড়ে যায়নি।

রাজশাহী সড়ক পরিবহন মালিক সমিতির সাধারণ সম্পাদক নজরুল ইসলাম হেলাল বলেন, নির্বাচন পরিচালনা কমিটিতে মালিক সমিতির প্রতিনিধি রাখার বিষয়টি নিয়েই বিরোধের সূত্রপাত। পরে শ্রমিকরা নিজেরাই বাস চলাচল বন্ধ করে দেন। পরিস্থিতি স্বাভাবিক করতে প্রশাসনের সঙ্গে আলোচনা চলছে।

এ বিভাগের আরও খবর



বঙ্গোপসাগরে লঘুচাপ: ৪ সমুদ্রবন্দরে ৩ নম্বর সতর্ক সংকেত
বঙ্গোপসাগরে সৃষ্ট লঘুচাপের কারণে চট্টগ্রাম, কক্সবাজার, মোংলা ও পায়রা সমুদ্রবন্দরকে ৩ নম্বর স্থানীয় সতর্ক সংকেত দেখিয়ে যেতে বলা হচ্ছে আবহাওয়া অধি...



তুমি কে, আমি কে, ফার্মের মুরগি! স্লোগানে মুখরিত বণ্ডা
দুর্যোগপূর্ণ পরিস্থিতির মধ্যে এইচএসসি পরীক্ষা নেওয়া, প্রশ্নের মান কঠিন হওয়া এবং পদার্থবিজ্ঞান পরীক্ষার আগে পরীক্ষার সময় না দেওয়ার অভিযোগে শ...



এইচএসসি পরীক্ষা পেছানোর দাবিতে রাজশাহীতে বিক্ষোভ পরীক্ষার্থীদের
বৈরী আবহাওয়ার কারণে এইচএসসি ও সমমানের পরীক্ষা পেছানোর দাবিতে রাজশাহী শিক্ষাবোর্ডে বিক্ষোভ করেছেন
পরীক্ষার্থীরা। মঙ্গলবার (১৪ জুলাই) দুপ...



ক্ষমা চেয়ে স্ট্যাটাস, কয়েক ঘণ্টা পর মিলল ছাত্রদল নেতার ঝুলন্ত লাশ
ফেসবুকে ক্ষমা চেয়ে একটি স্ট্যাটাস দেওয়ার কয়েক ঘণ্টা পর ময়মনসিংহের ফুলপুর উপজেলার ছাত্রদলের এক নেতার ঝুলন্ত
মরদেহ উদ্ধার করেছে পুলিশ।মঙ্গলবার...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/malik-shrmik-birodhe-rajshahi-theke-bas-chlachi-bndh>